

REPUBULIKA Y'U RWANDA



**URUKIKO RWISUMBUYE RWA
NGOMA**

**ITEGEKO RY'UMUCAMANZA RITEGEKA USHINJWA WATOROTSE
UBUTABERA KWITABA URUKIKO**

Umwaka w'ibihumbi bibiri na makumyabiri na gatatu, ukwezi kwa Mutarama umunsi wa cumi n'umunani;

TWEBWE HATEGEKIMANA Dany, Umucamanza mu Rukiko Rwisumbuye rwa Ngoma, dufashijwe na UWITONZE Emmanuel, Umwanditsi w'urwo Rukiko;

TUMAZE kubona ikirego cy'Ubushinjacyaha buregamo **BIKORIMANA Jean Baptiste**, mwene ... na ..., utuye mu Akagari ka Nyakagezi, Umurenge wa Gahara, Akarere ka Kirehe, Intara y'Iburasirazuba, muri Repubulika y'u Rwanda; **uregwa mu rubanza RP 00181/2021/TGI/NGOMA** icyaha cyo gukubita cyangwa gukomeretsa ku bushake;

TUMAZE kubona ko **BIKORIMANA Jean Baptiste** yarezwe n'Ubushinjacyaha nk'uwatorotse ubutabera hashingiwe ku ngingo y'160-162 z'Itegeko N° 027/2019 ryo ku wa 19/09/2019 ryerekeye imiburanishirize y'imanza z'inshinjabyaha;

DUTEGETSE **BIKORIMANA Jean Baptiste** kwitaba Urukiko Rwisumbuye rwa Ngoma kuwa 06 Werurwe 2023 saa tatu za mu gitondo (09h00'), atakwitaba agafatwa nk'uwasuzuguye amategeko, maze urubanza rwe rukaburanishwa adahari;

DUTEGETSE ko iri hamagara rimanikwa ahagenewe kumanikwa amatangazo y'Urukiko Rwisumbuye rwa Ngoma, Urukiko rw'Ibanze rwa Ngoma mu gihe cy'iminsi umunani (8) kopi y'iri hamagara akazanayisanga mu Bwanditsi bw'Urukiko Rwisumbuye rwa Ngoma.

Bikorewe i Ngoma, kuwa 18 Mutarama 2023

**HATEGEKIMANA Dany
UMUCAMANZA**



**UWITONZE Emmanuel
UMWANDITSI**